

Caso nunca bisto

Homber cu a abusa di su yiu ta forsa e mama tene relacion cu e mucha

ORANJESTAD – Actualmente ta encarcela na Aruba un señora J. di Corsou cu ta bibando na Aruba. El a wordo encarcela relaciona cu un caso masha tristo mes cu a sosode entre 2011 y Juli 2012.

MAMA TA HACI INMORAL CU PROPIO YIU

Ayera mainta J. a presenta den Corte caminda Fiscal a bisa cu e ta wordo acusa cu entre 2011 te Juli 2012 el a haci actonan immoral cu su propio yiu na Corsou. Door cu J. a bin establece na Aruba, el a wordo deteni y su yiu actualmente ta den man di un instancia.

Fiscal a informa Hues cu e proces-verbaal ta cla y tambe na ultimo ora e rapport di psiquiatra a yega. Sinembargo tin investigacion andando pa cu e acompañante di e dama, un homber Surnameño, cu segun e dama lo tabata cera na Corsou pa a abusa di un di e yiunan y despues di a Sali liber a bolbe haci cosnan for di sla y a huy bay Surinam.

POSPONE CASO

Fiscal a bisa Hues cu mirando e hecho cu ainda falta algun investigacion pa tuma luga, e ta pidi pa pospone e caso. Hues a mostra cu abogado a pidi Hues Comisario algun investigacion encuanto e homber cu tabata condena y tambe cierto investigacion. Fiscal a informa Hues cu ya caba tin investigacionnan haci. Fiscal no tabata na altura cu e peticion aki a bay Hues Comisario. Na opinion di Fiscal, e investigacionnan haci ta

duna suficiente informacion y cu esaki lo por yuda e abogado. Ainda lo falta informacion medico di e sospechoso. Hues ta haya cu no mester pospone e caso pa tempo largo. Hues despues di a check agenda di casonan penal, a bisa cu por e luna aki mes of na November 2013. Mirando cu ta bay haci un peticion pa haya informacion medico na Corsou a palabra 15 November pa 8.30 di mainta lo trata e caso.

HOMBER TA FORZA

MAMA ABUSA DI SU YIU
Por a compromete cu e homber lo tabata encarcela na Corsou pa a haci actonan immoral cu un di su yiunan homber. Despues cu el a Sali, el a bay bek na e cas y a sigui cu su cosnan baho aki. Na dado momento el a hasta forsa e mama di e mucha pa tene relacion cu e mucha y pa e mira. E sospechoso J. na dado momento no tabata por a soporta mas tur e abosonan di e homber y a dicidi di huy bin biba na Aruba.

Pa colmo de los colmo e homber a bin su tras y na dado momento a surgi un problema caminda Polis a detene J. y e homber a keda liber. Esey a duna e homber tur e oportunidad pa huy. Pa ora cu Ministerio Publico a haya sa di con tristo e caso ta, ya no por a haci peticion di detencion di e homber mas na Corsou pasobra entretanto el a bay Surinam.

SOSPECHOSO A BIRA MALO

Despues cu a pospone e caso a



surgi un situacion sumamente fastioso. E sospechoso J. lo ta sufi di asma pisa. Den Corte el a haci uzo di inhaler pero ora el a sali pafu di sala, el a manera haya un atake y taba-

tin masha hopi problema pa respira. Miembronan di CEA y algun empleado di Corte a atende e sospechoso mientras cu a pidi asistencia di ambulancia pa yud'e. Na November

lo bay haci sa mucho mas di e lamenta caso aki. E pregunta cu ta surgi ta, e sospechoso realmente ta culpabel? Ta ora tratamiento di e caso lo por haya sa esaki. □